

# **Birači koji ove godine prvi put dobijaju pravo glasa mogu u potpunosti izmijeniti političku scenu**



U Bosni i Hercegovini mjesto u Parlamentu se vrlo često dobijaju na osnovu malog broja glasova. Podsjećajući na ovu činjenicu, visoki predstavnik i specijalni predstavnik Evropske unije Valentin Inzko je jučer rekao kako 80.000 mladih, koji će ove godine 3. oktobra prvi put imati pravo glasa, može u potpunosti izmijeniti političku scenu u ovoj zemlji.

Visoki predstavnik i specijalni predstavnik EU je rekao da mladi moraju „zahtijevati od političara u izbornoj kampanji da objasne kako namjeravaju riješiti pitanje nezaposlenosti mladih i na koji način će poboljšati obrazovni sistem.“

Visoki predstavnik i specijalni predstavnik EU je rekao da za razliku od retorike koju koriste najveće političke stranke „mladi ljudi žele konkretne odgovore na konkretna pitanja“ i napomenuo kako tokom protekle godine, putujući širom Bosne i Hercegovine i sastajući se sa hiljadama građana, „nije niti jednom sreo mlade ljudi koji su izražavali podršku etnonacionalizmu kojeg smo svjedoci u predizbornoj kampanji“.

Razgovarajući s mladim aktivistima u Travniku, visoki predstavnik i specijalni predstavnik EU je rekao kako će

neuspjeh vlasti da osigura priznavanje bosanskohercegovačkih diploma u zemljama Evropske unije, nezapošljavanje mladih ljudi i neprekidna širokorasprostranjena korupcija u oblasti obrazovanja utjecati na to kako će mlađi ljudi glasati 3. oktobra.

„Izbori nude šansu da se ova situacija počne mijenjati”, rekao je visoki predstavnik i specijalni predstavnik EU i „sasvim je jasno da se situacija **mora** promijeniti jer predstavlja katastrofu za mlađe ljudi u ovoj zemlji”.

Visoki predstavnik i specijalni predstavnik EU je naveo najnovije podatke iz oblasti zapošljavanja koji pokazuju da je više od 57% bosanskohercegovačke radne snage mlađe od 25 godina nezaposleno i da više od jedne trećine mlađih radnika, koji su uspjeli osigurati neku vrstu zaposlenja, radi *nacrno*, drugim riječima – primaju niske plate, nemaju nikakve sigurnosti po pitanju radnog mesta i za njih se ne plaćaju nikakvi doprinosi.

„To je neprihvatljivo”, rekao je visoki predstavnik i specijalni predstavnik EU. „Mlađi ljudi moraju tražiti da se povede rasprava o konkretnim programima i koracima koje će stranke provesti kako bi poboljšale klimu za poslovna ulaganja, smanjile stopu nezaposlenosti i ukinule sistem u kojem se posao dobija na osnovu ličnih poznanstava i stranačke pripadnosti umjesto na osnovu znanja i sposobnosti.”

Visoki predstavnik i specijalni predstavnik EU je rekao kako je iznenaden da „političari izgleda nisu previše zabrinuti zbog trenutne situacije“ i naglasio da izbori pružaju šansu mlađim ljudima u Bosni i Hercegovini da kažu političarima „da moraju preuzeti odgovornost“.

„Vijeće ministara još uvijek nije usvojilo okvirni zakon o mlađima“, rekao je visoki predstavnik i specijalni predstavnik EU. „Bosna i Hercegovina nema strategiju za uključivanje mlađih u društvene tokove ili razvojnu strategiju za mlađe, a

nepostojanje politike u ovim oblastima negativno se odražava na mlađe u ovoj zemlji.“

Visoki predstavnik i specijalni predstavnik EU je naglasio kako se „stvari neće promijeniti same od sebe“ i da „jadikovanje neće ništa riješiti. Mladi se moraju angažirati u većem broju. Morate od vaših političara zahtijevati napredak koji želite vidjeti, a dan izbora pruža priliku da upravo to uradite. Oni koji budu glasali će odlučivati o tome ko će voditi ovu zemlju u naredne četiri godine. Ukoliko ne budete glasali, jednostavno ćete dozvoliti drugima da umjesto vas odlučuju o vašoj budućnosti.“